

周

易

姚


氏

學

周易姚氏學卷第十

旌德姚中撰

周易下經彖下傳象下傳



離下
異上

家人利女貞注馬融曰家人以女爲與主案家人唯上
失位之正成坎所謂男正位乎外離女在內爻俱得
正云利女貞者家人繼明夷之後所謂傷於外者必
反其家外所以傷實自家始國之本在家家之本在
身不出家而成教於國君子先有以自反也故傳於

上獨云反身之謂殷之亡非天下亡之所謂亂非降

自天生自婦人者周之興也歷世有賢妃之助殷夏

之亡皆以婦人故特曰利女貞監夏殷以為後世戒

者也魏志后妃傳中郎棧潛上疏云在昔帝王之治天下不惟外輔亦由內助治亂所由盛衰從之

故西陵配黃英娥降媯並以賢明流芳上世築奔南巢禍階末喜紂以炮烙怡悅姐已是以聖哲慎立元

妃以統六宮度奉宗廟陰教聿修易曰家道正而天下定由內及外先王之令典也

彖曰家人女正位乎內男正位乎外男女正天地之大

義也彖上化成既濟中男中女六爻俱正家人有嚴

君焉父母之謂也注荀爽曰離巽之中有乾坤故曰

父母之謂也

案乾坤相見乎離陰長成巽與屯同義

家人有嚴君則

家正矣孝經曰孝莫大於嚴父故親生之膝下以養

父母日嚴聖人因嚴以教敬因親以教愛父父子子

兄兄弟弟夫夫婦婦而家道正正家而天下定矣注

陸績曰聖人教先從家始家正則天下化之修己以

安百姓者也案成既濟六爻正故正豕而天下定夫

婦人倫之始王化之端也

象曰風自火出家人注馬融曰木生火火以木為家故

曰家人火生於木得風而盛猶夫婦之道相須而成

案木生火者父子也風自火出母子也火性炎上附於木而風出焉春秋傳曰晉文公姬出也大戴記曰鳳皇生而有仁義之意虎狼生而有貪戾之心兩者不等各以其母保傅文此家人所以利女貞也君子以言有物而行有恆案風者木之氣木得火而風出風出由內故言有物火有所附明乃有常故行有恆詩曰天生烝民有物有則

初九閑有家悔亡注馬融曰閑闌也防也見釋文案火炎

上化則失位故閑之防其變也閑則家齊故有家悔

亡象曰閑有家志未變也注志謂畫未變之爻故防之而有家若已動之爻則氣已究火性炎上必至於化不可閑矣家人有嚴君乃能防於始若有所辟則志變志變則家不可齊

六二无攸遂在中饋貞吉注鄭康成曰二爲陰爻得正於內五陽爻也得正於外猶婦人自修正於內丈夫修正於外无攸遂言婦人无敢自遂也爻體離又互體坎火位在下水在上飪之象也饋酒食也

見後漢楊震及

王符傳注案詩無非無儀唯酒食是議大戴本命云婦人者伏於人也是故無專制之義有三從之道無

爻

周易述比學卷第十

三

一經

所敢自遂也故令不出閨門事在饋食之間而已各
承云臣聞三代所以隕社稷喪宗廟者皆由婦人與
羣惡易日在中餽無攸
遂言婦人不得與事也 象曰六二之吉順以巽也

荀九家曰謂二居貞巽順於五則吉矣 案此合全卦
言二陰故順

巽在外故以巽
內順外巽也

九三家人嗃嗃悔厲吉婦子嘻嘻終吝 注鄭康成曰嗃

嗃苦熱之意嘻嘻驕佚喜笑之意 見釋
案家人嗃嗃

謂不化離火應上上威如故三嗃嗃喻嚴甚也无應

故悔厲得位故吉婦子嘻嘻謂化也巽為婦三化震

為子相應震笑言故婦子嘻嘻三上俱失位故終吝

象曰家人嗃嗃未失也婦子嘻嘻失家節也案惠氏棟曰得位故未失動失正故失家節

六四富家大吉注虞翻曰得位應初順五乘三比據三陽故曰富家大吉象曰富家大吉順在位也注虞翻

曰謂順於五也案順五得位

九五王假有家勿恤吉注陸績曰假大也五得尊位據四應二以天下爲家故曰王大有家案成既濟六爻相應故勿恤吉也象曰王假有家交相愛也案相應故交相愛故大有家孟子曰樂民之樂者民亦

樂其樂憂民之憂者民亦憂其憂賈子曰禮天子愛天下諸侯愛境內大夫愛官屬士庶各愛其家失愛不仁過愛不義故禮者所以守尊卑之經強弱之稱者也

禮篇文


交相愛亦愛之以禮而已

上九有孚威如終吉案不孚而威非也故有孚威如終吉化之正相應故有孚正則敬心生故威如居一卦之終正則六爻俱正故終吉也象曰威如之吉反身之謂也案化之正以陰居陰故反身之謂詩曰弗躬弗親庶民弗信月令曰以道教民必躬親之孔子曰

得之於身者得之人失之於身者失之人不出於門

戶而天下治者其唯知反於已身者乎

呂覽先已文



兌下 離上

睽小事吉注鄭康成曰睽乖也火欲上澤欲下猶人同

居而異志也故謂之睽虞翻曰小謂五陰稱小得中

應剛故吉

彖曰睽火動而上澤動而下二女同居其志不同行注

虞翻曰離火炎上澤水潤下也二女離兌也離上兌

下說而麗乎明柔進而上行得中而應乎剛是以小

睽

事吉注虞翻曰說兌麗離明謂乾柔謂五應乾五伏陽非應二也與鼎五同義也荀爽曰小事臣事也百官異體四民殊業故睽而不同剛者君也柔得其中而應於君故言小事吉也案山澤通氣天在山中天氣通於下說而麗明地氣出於澤得日而麗以上升於天天之氣自升降地之氣必麗乃得升陰不專行從陽乃行也天地睽而其事同也男女睽而其志通也萬物睽而其事類也睽之時用大矣哉案初化成未濟陰陽錯居陰下有伏陽陽下有伏陰異而同者

也

象曰上火下澤睽君子以同而異注可爽曰火性炎上

澤性潤下故曰睽也案其成一卦故同火上澤下故

異

初九悔亡喪馬勿逐自復注虞翻曰无應悔也四動得

位故悔亡應在於坎坎為馬四失位之正入坤坎象

不見故喪馬四動震馬來故勿逐自復也案初之四

逐四伏陰自發之見惡人无咎案惡人謂四初應在

正應初故自復四不得見故見惡人无咎離為見象曰見惡人以

辟咎也案禮在當見不見則失禮致惡人之害故見

惡人以辟咎

後漢陳實獨弔張讓父喪黨人之誅多所全宥明於見惡人之義也人而不仁

疾之已甚亂也

九二遇主于巷无咎注虞翻曰二動

案二五易位

體震為大

塗艮為徑路大塗而有徑路故稱巷案二升五降二

五相遇巷喻道也得位故无咎象曰遇主于巷未失

道也案升降各當故未失道

六二見與曳其牛掣其人天且劓无初有終注虞翻曰

離為見坎為車為曳故見與曳四動坤為牛牛角一

低一仰故稱掣離上而坎下其牛掣也

案掣說文引作翬掣蓋假

借字

黥額為天割鼻為劓兌刑人故其人天且劓

案柳氏與

宗云天謂天疾昭二十年穀梁傳云有天疾者不得入乎宗廟大戴本命云女有五不取世有刑人不取為其棄於人世有惡疾不取為其棄於天天且劓則既棄於天復棄於人者巧言云既微且僮爾勇伊何亦言天棄之也
案見三見之也其其四也輿大器重任也輿

曳必其牛不善乃其牛則掣也角以正為善掣則不

善矣任器者不勝也牛不善必其人不善乃其人則

天且劓也人如此而牛又掣輿鮮有不曳者失其所

以御也詩曰無棄爾輔員于爾輻屢顧爾僕不翰爾

載終踰絕險見之而以爲戒故无初有終周書曰前

車覆從車戒

說苑善說篇文

荀子曰知不用愚者謀前車已

覆後未知更覺何時

成相文

此蓋文王見紂所信任者

小大之臣咸非吉士欲其知所監而善厥終所謂殷

監不遠在夏后之世者與

太玄更次八駟馬跂跂而更其御測曰駟馬跂跂更

御乃良也義本此又聞次八輔其折盛其缺其人暉且偈其人暉偈故能輔折盛缺亦本此而反之也韓

非子外儲說云國者君之車也勢者君之馬也無術以御之身雖勞猶不免亂有術以御之身處佚樂之

地又致帝王之功也又難勢云以國位爲車以勢爲馬爲號令爲轡以刑罰爲鞭策使堯舜御之則天下

治桀紂御之則天下亂則賢不肖相去遠矣夫欲追速致遠不知任王良欲進利除害不知任賢能此則

不知類之患也夫堯舜亦治民之王良也

象曰見輿曳位不當也无初有

終遇剛也案三失位與四互坎見輿曳恐其從四危之也上來之三三遇之得以自正故无初有終

九四睽孤遇元夫交孚厲无咎注虞翻曰震爲元夫謂

二已變動而應震故遇元夫也案火上澤下不相應

故睽孤四之正相應故交孚厲无咎四剛而不中本

有厲者象曰交孚无咎志行也案相應故志行

六五悔亡厥宗噬膚往何咎注虞翻曰二動體噬嗑故

曰噬嗑悔亡謂二五之正厥宗噬膚謂五之二渙者

散也散則廟以聚之睽者乖也乖則宗以聯之此睽

而復合者也噬膚謂二宜陰五之二也坊記曰因其

酒肉聚其宗族以教民睦也在睽之卦疑往而不合

故明言往何咎厥宗噬膚則疏者親散者聚矣此宗

法之所由立也

太玄親次八肺附乾饑其幹已良君子攸行義本此特在禮疏引書傳天

子有事諸侯皆侍宗室有事族人皆侍終日大宗已侍於賓奠然後燕私蓋自天子及士祭畢皆有噬膚

之事所以親親也睽言宗渙立廟皆使之聚也

象曰厥宗噬膚往有慶也

案

五往之二則二來慶五詩曰爾殽既將莫遠具慶

上九睽孤見豕負塗載鬼一車注虞翻曰離為見坎為

豕爲雨四變時坤爲土土得雨爲泥塗四動艮爲背
豕背有泥故見豕負塗矣案見上見四也共在上體
故上見之豕喻躁塗喻不絜詩曰維此良人作爲式
穀維彼不順征以中垢躁動污穢是匪人也故載鬼
一車七八謂之神九六謂之鬼鬼遊魂也荀子曰惡
之如鬼王霸篇文三之上爲四所隔故三欲之上先見四幾從四而不之上故无初上欲之三亦
先見四三四互坎四爲惡人疑三類四故先亦張弧
待三因四疑三也太玄疑次七鬼魂疑測曰鬼魂之
疑誠不可信也載鬼一車
疑使之然太玄義本此 先張之弧後說之弧匪寇
婚媾往遇雨則吉注虞翻曰坎爲弧離爲矢張弓之

象也匪非坎爲寇之三厯坎故匪寇陰陽相應故婚
媾三在坎下故遇雨與上易位坎象不見各得其正
故則吉也案疑三故先張之弧以爲寇也三上相應
故後說之弧三上易位坎離不見故說弧乖離之卦
彼此不孚故每動疑生也往與三遇故遇雨乖離之
卦應不相應乖戾氣消卒然而合故皆言遇如不期
而遇者焉象曰遇雨之吉羣疑亡也案疑上下相疑
也火亢於上澤涸於下上降遇雨坎離復交陰陽和
睽者合矣故羣疑亡



艮下
坎上

蹇利西南不利東北(案)西兌南離西南坤也水蹇於山

還反地上之坤五成比得地而流故利西南東震北

坎東北艮也之艮則仍是蹇故不利東北

六十四卦
相受或以

旁通反復不衰之卦是也或反復而又旁通否泰是也其餘皆反復相受各以兩卦為一偶唯蹇既與解反復又與睽旁通易例至此一變著殷周草易之由也故六爻多往來迭見與他卦不同蹇六爻唯初失正餘皆得位其所以蹇實於本卦无與皆睽使之然也西南即謂睽睽離兌之卦也殷紂乖離周得有之五據坤成比建萬邦親諸侯周所以王也東北即謂蹇蹇卦全化則成睽此紂所以失天下之由也故爻多往來並稱此失彼得卦象交呈故與他卦不同他卦亦有旁通不如此之著也

利見大人

貞吉注虞翻曰離為見大人謂五二得位應五故利

見大人五當位正邦故貞吉也

案初之正成既濟

彖曰蹇難也險在前也見險而能止知矣哉蹇利西南

往得中也不利東北其道窮也注虞翻曰離見坎險

艮為止荀爽曰西南謂坤乾動往居坤五故得中也

案坎五即乾居坤五成比者也險在前見險而止止而往西南故云利西南利西南在蹇後惠氏棟云升

二之五張氏惠言云乾五當使三之復二成蹇非是東北艮也艮在坎下見險

而止故其道窮也利見大人往有功也當位貞吉以

正邦也蹇之時用大矣哉注虞翻曰大人謂五五多

功故往有功也苟爽曰謂五當尊位羣陰順從故能

正邦

業正邦謂成既濟

象曰山上有水蹇君子以反身修德注陸績曰水在山

上失流通之性水本應山下今在山上終應反下故

曰反身

見孔疏

案坎水反下則在地上山之下地之上

則蹇之初也蹇初失正故反身謂成既濟也

睽六爻唯初得

正初化則成未濟蹇唯初失正初化即成既濟此睽蹇之殊也然睽初得正其本正也聖人處此本正事舉睽化成既濟蹇初失正本先撥也本不正而順以往斯成未濟矣反身修德慎在始也商之天下流風善政猶有存者紂一失而莫挽本於身及於家睽於天下此爻所云往蹇者也乖必有難難者乖為之於

蹇得位之爻實无與爻所云往蹇皆謂睽紂由蹇而成睽也所云來謂睽化來之蹇初終化成既濟象周定殷亂也

初六往蹇來譽案睽化成蹇蹇化成睽一往一來互相

因也往蹇謂成乖難言睽也來譽自睽化來也睽而

復合非失之過即失之不及然不害其為合也故雖

失正而來譽象曰往蹇來譽宜待也案待時也釋文作宜

待時也時至則初自化既濟成矣

六二王臣蹇蹇匪躬之故案王謂五臣謂二文之君臣

皆王臣也文王蒙大難蹇也四臣從之亦蹇故王臣

蹇蹇二得正應五文王蒙難非文君臣之故乃紂之乖睽也故匪躬之故象曰王臣蹇蹇終无尤也案二五皆正終能濟難成既濟故終无尤

九三往蹇來反案往失位成睽難故往蹇喻紂囚文王也來反由睽來反之正喻文王反國也象曰往蹇來反內喜之也案反來得位陰得承陽故內喜之喻文王臣民也

六四往蹇來連案連連及初也四應在初初亦之正故來連喻文王蒙難而歸天下叛紂歸周也象曰往蹇

來連當位實也案陽稱實四當位初化應之故當位實

九五大蹇朋來案大蹇謂睽五喻紂失道日甚也朋來謂三分天下有其二象曰大蹇朋來以中節也案五居中處正上下應之故朋來以服事殷不敢失臣節也故曰以中節諸侯歸周臣於周也謂之爲朋不敢臣也以服事殷是爲中節

上六往蹇來碩吉利見大人注虞翻曰離爲見大人謂五案碩大也往而遇難來復自修大其德也反身修

德不敢尤人故吉利見大人喻文之小心翼翼事君
 終臣節也象曰往蹇來碩志在內也利見大人以從
 貴也案反身修德初化之正故志在內紂雖不道以
 服事殷文王視之猶聖主也故利見大人以從貴從
 君也孟子曰王庶幾改之予日望之文王之心亦猶
 是也詩序采薇遣戍役也文王之時西有昆夷之患
 北有玁狁之難以天子之命命將率遣戍役以
 守衛中國箋云天子殷王也西伯以殷王之命命其
 屬為將率出車我出我車箋云西伯以天子之命出
 我戎車於牧之地詩諸所稱天子及王與易利見大
 人皆尊王也故孔子曰周之德其可謂至德也已矣



坎下
 震上

解利西南案西南謂坤震動雨施水流就下流入坤中

水行地中故利西南无所往其來復吉案謂五震從

下起五先本居二初動二隨之升五雷雨已作无所

復往當仍反於下故无所往其來復吉謂來復之二

得中正也此蓋喻紂政荆失所當反之正若猶是暴

虐將何往哉有攸往夙吉注虞翻曰謂二也夙早也

案坎降為雨二本自五來今還升五復其本位故夙

吉此喻殷先澤猶存反正難斯解也陰陽升降往復

作不分上下體者也山上有水即坎雲從山出入之象不言雲者繼睽之後義取蹇難也彼言水以見當

下此言雨
已降者也

彖曰解險以動動而免乎險解利西南往得衆也其
來復吉乃得中也注虞翻曰險坎動震解二月雷以
動之雨以潤之物咸孚甲萬物生震震出險上故免
乎險也荀爽曰乾動之坤而得衆案五非陰位來之
二乃為得中故其來復吉乃得中也有攸往夙吉往
有功也注荀爽曰五位无陽二陽又卑往居之者則
吉據五解難故有功也天地解而雷雨作雷雨作而
百果草木皆甲坼解之時大矣哉注荀爽曰乾坤交

解

周易卷之六

上

一

通動而成解坎下震上故雷雨作也

案冬陰凝閉則雲雷屯

仲

春之月草木萌芽雷以動之雨以潤之日以烜之故

甲坼也

案震為反生戴甲出土是為甲坼

鄭康成曰木實曰果

見文選注

象曰雷雨作解君子以赦過宥罪案月令仲春之月始

雨水雷乃發聲是月也安萌芽養幼少存諸孤命有

司省圜圉去桎梏無肆掠止獄訟

初六无咎案失位咎也雷雨交作之卦初非極下上非

極上雷上雨下同時同位者也象曰剛柔之際義无

咎也案雷雨交作初非定象非失位者也

泰三无往不復天地

際也謂交際否泰反復也此剛柔之際亦謂雷雨一上一下故義无咎先言剛柔之際明初非定位也

九二田獲三狐得黃矢貞吉注虞翻曰二稱田田獵也

坎為弓離為黃矢之正得中故貞吉也

案之正謂升五

案坎

為狐

未濟小狐汔濟干寶云坎為狐案說文云狐祲獸鬼所乘坎隱伏故為狐茲依用之

三爻

故三狐謂三爻俱升也象曰九二貞吉得中道也注

虞翻曰動得正故得中道

六三負且乘致寇至貞吝注虞翻曰二變時艮為負坤

為車三在坤上故負且乘案坎為寇謂四也三與坎

連體故致寇至之正應上見隔於四故貞吝雷雨作

解

則難解負且乘徒致寇耳此蓋喻殷之小人在位不能解難也象曰負且乘亦可醜也自我致戎又誰咎也注虞翻曰以離兵伐三故轉寇為戎艮手招盜故誰咎也案乘者君子之器乘非可醜也負且乘故亦可醜又誰咎言當自咎

九四解而拇朋至斯孚注陸績曰拇足大指

案見釋文案震為足

二化四互艮為指

案而女也謂四四體離坎欲上欲下故解

而拇謂二上之五四降居初也二升五陽與陽為朋故朋至二升則四降初得位有應故朋至斯孚象曰

解而拇未當位也

六五君子維有解吉有孚于小人注虞翻曰君子謂二

之五得正小人謂五陰為小人君子升位則小人退

在二故有孚于小人

案屯五屯膏兩以解之陽在二失位升之五以解之一張一弛

可與權者也象曰君子有解小人退也注虞翻曰二陽上

之五五陰小人退之二也

案君子有解反之正則小人自退劉向云湯用伊尹

不仁者遠而眾賢至類相致也

上六公用射隼于高墉之上獲之无不利注虞翻曰上

應在三離為隼案震諸侯故曰公離矢坎弓故用射

不言弓矢者君子藏器於身也二之五異為高四之
初艮為城上應在三弓動矢發三之正成既濟則悖

解矣隼喻其悖也

汚水馱彼飛隼載飛載止菱云隼欲飛則飛欲止則止喻諸侯之自

驕恣其取義與易同

高墉見者博言去惡明无所蔽也

荀子勸學云吾

膏跋而望矣不如登高之博見也

紂為不道崇密助之文不斥言紂

故爻多以去小人為義伐崇伐密文王為紂解悖耳

豈文有覬覦之心哉西伯戡黎祖伊奔告以文為紂

解悖而紂乃日甚知天命之必歸周故但責紂自絕

不言文也象曰公用射隼以解悖也案卦唯上六得

位故用射隼成既濟故解



兌下
艮上

損有孚元吉无咎可貞利有攸往注鄭康成曰艮為山

兌為澤互體坤坤為地山在地上澤在地下澤以自

損增山之高也猶諸侯損其國之富以貢獻於天子

故謂之損矣案孚謂二五元乾坤之元也損自二五

易位則元各正故有孚元吉无咎也可貞謂二二正

則上之五二之五則上之三故利有攸往此文王修

德遠害之卦也損下益上文自損以益剗有孚元吉

損

周易卷之五

七

一

无咎喻紂能信任之也紂信任文則君臣俱正上下
相應矣曷之用二簋可用亨聚曷何也二互震之正
亦體震震爲簋故二簋苟有明信沼谿澗沚之毛可
薦鬼神可羞王公二簋可用享言不在多儀也享獻
也上下交孚二簋可獻所謂損先難而後易者故文
王不以事紂爲難終盡臣節望其感孚耳

彖曰損損下益上其道上行注李鼎祚曰坤之上六下
處乾三乾之九三上升坤六損下益上者也陽德上
行故曰其道上行也損而有孚元吉无咎可貞利有

攸往曷之用二簋可用享二簋應有時損剛益柔有時損益盈虛與時偕行注虞翻曰時謂春秋祭祀乾為盈坤為虛案應當也二簋雖薄用之當時言合禮也消則損剛益柔息則損柔益剛否泰反復陰陽往來終則又始者也

象曰山下有澤損君子以懲忿窒欲案懲當作激清也

釋文云劉作激清也鄭云微猶清也則鄭亦作激蜀才作澄澄同激作懲字之誤古懲多作微與激相近故激誤作微又轉作懲窒塞止也泰乾為忿坤為欲虞云乾陽剛武為忿

坤陰吝三之上乾成兌澤故清忿艮止坤上故窒欲音為欲

損

此君子之用損也

初九已事遄往无咎酌損之案已以也

釋文云已本亦作以說文亦引

作日作已字之誤事職也以事以初之職事喻文之事紂也

初得位故以事遄往以正往應四也故无咎酌斟酌也周語曰耆艾修之而王斟酌焉酌損之喻文益紂欲其斟酌而用之也故象曰尚合志象曰已事遄往尚合志也案初四以正相應與四合志也

九二利貞征凶注虞翻曰失位當之正故利貞征行也

案利貞謂自化所謂可貞也二未之正之五則得位

二已之正之五則失位二陰不相應故利貞征凶此

喻文修德見囚於紂也

二本陽爻之五則成益不得有凶此利貞征凶連文是已

化之陰復征之五二陰不應之五失位故凶也

弗損益之案陽化之陰則自

損不化故弗損之五成益故益之益五也此所謂利

有攸往者也蒙難而歸獻地除荆益上之心文始終

一也象曰九二利貞中以爲志也案自化之正故中

以爲志

六三三人行則損一人一人行則得其友案下三爻爲

三人初得位不升故損一人一人行謂三三之上則

上之三相應故得其友氣求聲應各以類從小人用
則君子退君子用則羣君子進喻殷之賢佞並立將
損賢臣欲其專任賢臣以進羣賢也象曰一人行三
則疑也案言一人行則得友若三則疑矣賢佞不並
也劉向曰夫執狐疑之心者來讒賊之口持不斷之
意者開羣枉之門讒邪進則衆賢退羣枉盛則正士
消本傳陰陽相感以正故繫辭傳引以證天地男女
焉卦事

六四損其疾使遄有喜无咎案疾謂二四應初而隔於

二二其疾也二之正四得初應故損其疾使遄有喜
得位故无咎詩曰君子如怒亂庶遄沮潛夫論曰凡
治病者必先知脈之虛實氣之所結然後爲之方故
疾可愈而壽可長也爲國者必先知民之所苦禍之
所起然後設之以禁則姦可塞國可安矣

進菽文

象曰

損其疾亦可喜也

六五或益之十朋之龜弗克違元吉案二益五也二自
正則不益五二不之正則升之五益五故曰或坤陰
之老爲龜直十朋也

漢志貝二枚爲一朋有大貝壯
貝么貝小貝龜四品元龜直大

貝十朋公龜直壯貝十朋侯龜直么貝
十朋子龜直小貝十朋其義即本於此 龜北方之靈

信則至矣龜以為畜人情不失吉凶定焉二以十朋

之龜益五文王三分有二以服事殷之象也二升五

降皆得位故弗克違元吉乾元正君位也文王益紂

紂能用文不違文則殷道中興矣象曰六五元吉自


上祐也案上謂五二來益五五不違二而降居二上

下交孚君之明臣之福也故自上祐紂不用文文雖

益之豈能元吉哉文不能致君明聖紂不祐文也此

憂患之所以獨深也脩德遠害克自主者如此而已

上九弗損益之无咎貞吉利有攸往得臣无家象弗損
謂不化益之謂益丑二自化不之五則上之五得位
故无咎貞吉二已之五則上利往之三成既濟故利
有攸往陽在上不事王侯二升五爲君上降三五得
臣之二稱家二已升五故无家王者无外以天下爲
家也漢書五行志谷永云易稱得臣
无家言王者臣天下无私家也象曰弗損益之
大得志也案之五得位故大得志



震下
巽上

益利有攸往利涉大川注鄭康成曰震爲雷巽爲風雷

益

動風行二者相成猶人君出教令臣奉而行之故利有攸往坎為大川故利涉大川也案二五相應故利有攸往三之上涉坎成既濟故涉大川

彖曰益損上益下民說无疆自上下下其道大光注宋

衷曰明君之德必須損已而利人則下盡益矣

見口訣義

鄭康成曰人君之道以益下為德虞翻曰坤為无疆

案損乾四益坤初故損上益下其道益道上之三成

既濟故大光利有攸往中正有慶利涉大川木道乃

行注虞翻曰中正謂五而二應之乾為慶也案三上

易位震巽交故木道乃行不言風雷言木道者木東方生氣也雷以動之萬物生風以散之萬物齊故木道乃行生物之道利益物者也益動而巽日進无疆天施地生其益无方凡益之道與時偕行注虞翻曰震上動爲離案謂離爲日巽爲進坤爲疆日與巽俱進故日進无疆也乾下之坤震爲出生萬物出震故天施地生陽在坤初爲无方案陽在坤初伏而未著故无方謂乾元也萬物資始資生不見其益而物无不益不見不聞體物而不遺者也案生物之氣不疾迅故益動而巽遂物性也出震齊巽相見乎離故與時

益

周易姚氏學卷第十

圭

一經慮

借行

象曰風雷益君子以見善則遷有過則改注子夏傳曰
雷以動之風以散之萬物皆益案雷動風行三上失
位易位乃得正故遷善改過象風雷之疾也

初九利用爲大作元吉无咎注虞翻曰大作謂耕播耒
耨之利益取諸此也日中星鳥敬授民時故以耨播
也侯果曰處利之始居震之初震爲稼稽益之大者
莫大耕植故初九之利利爲大作若能不厚勞於下
民不奪時於農畷則大吉无咎矣案風行雷動食爲

民天富庶之本也故曰大作天氣下降初得位故元吉无咎乾元也象曰元吉无咎下不厚事也案坤爲厚乾來益坤故下不厚事仲春之月毋作大事以妨農事

六二或益之十朋之龜弗克違永貞吉王用亨于帝吉案損一益五五亦益二五之二得位成益不可化故永貞吉王謂益五五君得二聖臣元首明股肱良二五皆得位故用亨于帝吉此文之望於殷王者也象曰或益之自外來也案損五之二成益五在外故自

外來

六三益之用凶事有孚中行告公用圭注荀九家曰天

子以尺二寸元圭事天以九寸事地也上公執桓圭

九寸諸侯執信圭九寸諸伯執躬圭七寸諸子執穀

璧五寸諸男執蒲璧五寸五等諸侯各執之以朝見

天子也虞翻曰乾為圭乾之三故告公用圭案上之三案

凶事征伐之事兵凶戰危在益用之疑於咎故明言

无咎除暴救民凶事即所以益之也荀子曰仁者愛

人愛人故惡人之害之也義者循理循理故惡人之

亂之也兵者所以禁暴除害也故仁人之兵所存者

神所過者化

議兵文

三失位不臣故五使上用凶事以

益之征不服也上之三離爲戈兵甲冑師之象也五

使上來正三三自化之正孚五故有孚伏陽由中發

故中行誠服也三服則上復命故告告王也告於王

曰公用圭公者爵稱言其已服用圭而來朝王也此

文王爲方伯率叛國事殷之象與震爲侯故曰公象

曰益用凶事固有之也注虞翻曰失位當變故固有

之案伏陽

當發

六四中行告公從利用爲依遷國案中行謂三也四承
五據三三化從五故四告於五坤爲國三之正坤象
不見故遷國成坎爲險王公設險以守其國故曰爲
依依於險也遷國亦所以益之也盤庚曰視民利用
遷此蓋喻殷民化紂俗日久難與爲善文欲紂徙居
善地所謂用亨于岐山也乃殷不自徙而周徙之豈
周之過哉象曰益志文王小心事紂紂有從之之志
故文益之獻地除荆亦其一也有志而不能終上九
所以有立心勿恆之象與象曰告公從以益志也案

志遷國之志文王率諸侯以輔紂益紂志爲善則從之者衆矣文之爲殷興利也豈有已乎

九五有孚惠心勿問元吉有孚惠我德注虞翻曰三上

易位已成旣濟故有孚惠心勿問元吉案有孚惠心

入人深也呂覽曰聖人南面而立以愛利民爲心號

令未出而天下皆延頸舉踵矣則精通乎民也精通

書曰故一人有事於四方若卜筮罔不是孚此上之

有以孚下也我我五上孚下則下亦孚上故有孚惠

我德感德而歸是惠德也謂成旣濟衆爻皆順五也

象曰有孚惠心勿問之矣惠我德大得志也案勿問之矣言不必問天下歸之故大得志也
告公用圭告公從亦不必問者也

上九莫益之或擊之立心勿恆凶注虞翻曰莫无也艮爲手故或擊之上體巽爲進退故勿恆案上不降三則三不益上所謂莫之與也失位背五故五來擊之莫之與則傷之者至矣有孚惠德天下與之衆叛親離故莫之與蓋以喻殷也上當之正進退不果故立心勿恆凶象曰莫益之偏辭也或擊之自外來也注

孟喜曰徧周匝也

見釋文釋文云徧孟作徧案虞云徧周匝也則與孟同衆皆不與


徧曰案五來擊之故自外來五非應故曰或上之自外來與二異二本在內外來益之是遠者亦益之上本在外外來擊之是親近者亦擊之矣此其所以凶也

周易姚氏學卷第十終

周易姚氏學卷第十一

旌德姚配中撰

周易下經象下傳象下傳



乾下兌上

夬揚于王庭孚號有厲注鄭康成曰夬決也陽氣浸長
至於五五尊位也而陰先之是猶聖人積德說天下
以漸消去小人至于受命為天子故謂之夬揚越也
五互體乾為君又居尊位王庭之象也陰爻越其上
小人乘君子罪惡上聞於聖人之朝故曰夬揚于王

夬

庭案孚號謂眾陽孚五皆欲決上也夫書契號令之

象決上成乾重剛故厲告自邑不利即戎利有攸往

注虞翻曰陽息動復剛長成夫坤為自邑陽息陰消

君子道長故利有攸往剛長乃終案陽長決陰陰從

下升故告自邑陰不順陽聞於王庭者自其邑來告

也上窮反三體離為戎陽息之卦陰不得居三窮无

所入故不利即戎

彖曰夫決也剛決柔也健而說決而和注虞翻曰乾決

坤也健乾說兌也以乾陽獲陰之和故決而和也揚

于王庭柔乘五剛也孚號有厲其危乃光也案一陰
揜陽決之成乾重剛陽道光明故其危乃光告自邑
不利卽戎所尙乃窮也案尙上也陰窮於上反三成
離三陽位不受窮无所之故窮也利有攸往剛長乃
終也注虞翻曰乾體大成以決小人終乾之剛故乃
以終也

象曰澤上於天夫君子以施祿及下居德則忌注陸績
曰水氣上天決降成雨故曰夫虞翻曰陽極陰生謂
陽忌陰案不雨則旱膏澤不下於民澤上於天夫而

爲雨故君子以施祿及下也一陰在上終足致悔故
居德則忌言必決之盡也表記曰君子不失足於人
不失色於人不失口於人甫荊曰敬忌而罔有擇言

在

注云忌之言戒也言
已外致而心戒慎也

初九壯于前趾往不勝爲咎注虞翻曰夫變大壯大壯
震爲趾位在前故壯于前趾案陽息大壯成夬陰已
至上初不能及往往決陰也陽息之卦陽往決陰是
也不能勝陰故爲咎咎者不勝之所爲非往之過也
故曰爲咎孫子曰夫未戰而廟算勝者得算多也未

戰而廟算不勝者得算少也

文可篇

又曰勝兵先勝而

後求戰敗兵先戰而後求勝

文形篇

象曰不勝而往咎

也

九二惕號莫夜有戎勿恤案剛柔者晝夜之象陰已至

上故曰莫夜惕號謂戒令所謂忌也掌固夜三鑿以

號戒挈壺氏凡軍事縣壺以序聚櫜皆莫夜之號也

大宗伯以恤禮哀寇亂號戒嚴寇不能至故有戎勿

恤陽息之卦防陰長也上反三離爲戎象曰有戎勿

恤得中道也案陽息之卦不宜化之陰二雖失位得

乾之中故有戎勿恤此又不以位之得失論也

九三壯于頤有凶注翟立曰頤面也謂上處乾首之前

稱頤頤頤閒骨三往壯上故有凶

案上三正應相應不決陰則陰來之

三三動失位君子夬夬獨行遇雨若濡有愠无咎注

荀爽曰九三體乾乾為君子三五同功二爻俱欲決

上故曰君子夬夬也獨行謂一爻獨上與陰相應為

陰所施故遇雨也雖為陰所濡能愠不說得无咎也

案三應上夬夬言必欲決之所謂忌也表記曰君子莊敬日強安肆日偷君子不以一日使其躬儻焉如不終日不使不仁者加乎其身故夬夬三獨應上故獨行遇雨兌為雨澤言小人亦以恩澤結人心也易

以濁人君子慎之故有愠
无咎所謂其危乃光也

象曰君子夫夫終无咎也

九四臀无膚其行次且牽羊悔亡聞言不信注虞翻曰

二四已變坎爲臀兌爲羊巽爲繩案二四互坎陰俱

不見故无膚此言一陰一陽之謂道陰亦不可廢也

陰之於陽猶膚之於骨乾純陽爲瘠故无膚謂陽剛

過也孤陽不生故其行次且次且行不進也牽羊謂

牽上使居四得位故悔亡言不爲陽所決也坎爲耳

未之正故聞言不信象曰其行次且位不當也聞言

不信聰不明也

九五莧陸夬夬中行无咎案莧陸草名子夏傳云莧陸木根草莖剛下

柔上也馬鄭云莧陸一名商陸宋云莧莧菜陸商陸喻陰也陽息大壯已決五

成夬又欲決上故夬夬春秋傳曰為國家者見惡如

農夫之務去草焉芟蕘蘊崇之絕其本根勿使能殖

書曰乃有不吉不迪顛越不恭暫遇姦宄我乃劓殄


滅之無遺育無俾異種于茲新邑五得中以陽夬陰

夬之當故中行无咎象曰中行无咎中未光也案陽

尚在五決陰未盡為陰所揜故中未光但无咎而已

剛長至上決陰使盡則所謂其危乃光者也

上六无號終有凶案上不孚五爲陽所決決之使盡陰
氣散亡故无號終有凶惕號勿愠无號是以凶也蓋
喻殷當決小人嚴其號令也象曰无號之凶終不可
長也案虞翻曰陰道消滅故不可長也



巽下
乾上

姤女壯勿用取女注鄭康成曰姤遇也一陰承五陽一
女當五男苟相遇耳非禮之正故謂之姤女壯如是
壯健似淫故不可取婦人以婉婉爲其德也

彖曰姤遇也柔遇剛也勿用取女不可與長也天地相

遇品物咸章也剛遇中正天下大行也姤之時義大

矣哉注虞翻曰陰息剝陽以柔變剛故勿用取女不

可與長也荀爽曰謂乾成於巽而舍於離坤出於離

與乾相遇南方夏位萬物章明也案荀九家云謂陽起于運行至四月

六爻成乾巽位在巳故言乾成於巽既成轉案剛謂舍於離萬物皆盛大坤從離出與乾相遇

陽中正謂陰風行天下故大行坤出於離一陰初生即離象也陰生天地

之中正位於二陽正位於五故剛遇中正女壯言其消陽中正言其成離復見天地之心謂陽在極中也

象曰天下有風姤后以施命誥四方注虞翻曰后繼體

之君乾為施巽為命為誥翟立曰天下有風風行无

不周布故以施命誥四方之民矣

初六繫于金柅貞吉有攸往見凶羸豕孚蹢躅注虞翻

曰柅謂二也巽爲繩故繫柅乾爲金巽木入金柅之

象也

王肅云柅織績之物婦人所用荀九家曰絲繫於柅猶女繫於男故以喻初宜繫二也案說文

隻收絲者也屎隻柄也或从木尼聲然則柅卽屎絲繫於隻隻制於柅

以陰消陽往謂

成坤案初繫於二與二易位得正居中故貞吉若居

初而動則失見故有攸往見凶往謂動之爻陰消至

上初變成六羸豕謂陰息成離陽伏爲坎坎爲豕巽

爲進退初陽伏於下爲陰所羸不能進而因伏也象

曰繫于金柅柔道牽也注虞翻曰陰道柔巽為繩牽

於二也

九二包有魚无咎不利賓注虞翻曰巽為白茅在中稱

包詩曰白茅包之魚謂初陰巽為魚乾稱賓

案鄉飲酒立賓

以象

天 二據四應故不利賓案姤陽包陰故曰包初之

二故包有魚得位故无咎初之二則不應四故不利

賓此四之所以无魚也謂之賓者民為他人所有所

謂虞賓周咨者與

包同苞苞苴也曲禮凡以弓劍苞苴簞筭問人者注云苞苴裹魚肉

者也或以葦或以茅少儀苞苴注云苞苴謂其編束
在葦以裹魚肉也包有魚喻下以賓應得民心也无

魚斯遠民遠民斯不爲之主而稱之爲賓喻殷之自遠其民也象曰包有魚義不及賓也案初之二得位不應四故義不及賓

九三臀无膚其行次且屬无大咎案此據陰未至二時言也三五坎伏陰未發故无膚其行次且剛而不中故屬得位不爲陰所化故无大咎象曰其行次且行未牽也案陰之生必麗於陽故柔道牽初牽於二也初牽於二不及三故行未牽

九四包无魚起凶案四不得初應故包无魚莫之與也四本失位自遠其民民爲邦本遠民凶所由起莫之

與則傷之者至矣言陰不應而消陽也象曰无魚之

凶遠民也案四遠初也陰長消陽絕之甚則橫行若

防川然順而道之陰亦能養物天地相遇乃以成既

濟之功也陰本順陽過之甚則變陽從內消也民本

順君遠之甚則叛君從內潰也賈子曰荆罰不可以

慈民簡泄不可以得士故有不能求士之君而無不

可求之士有不能治世之吏而無不可治之民大政文

九五以杞包瓜含章有隕自天注虞翻曰隕落也巽為

杞案場人祭祀供其果蕘詩信南山疆場有瓜是剝

是道獻之皇祖以杞包瓜祭之象也心悅而奉之

以禮唯賢者能盡祭之義所謂含章中正也致其誠信與其忠敬賢者之祭也必受其福故有隕自天詩所謂曾孫壽考受天之祜也姤陰消陽鬼神之象陽窮上反下復息於中鬼神祐助其子孫之象也所謂

志不舍命案陰已消至四五互艮體巽艮為果蓏故以杞

包瓜陰復消五五消而伏故含章五乾元之位陰消

陽不能盡是以伏而含也故象曰中正也陰消五成

剝碩果自上反故有隕自天象曰九五含章中正也

有隕自天志不舍命也案九五含章言本陽位陽消

而伏故含章也

據已消當復息言已化於外復息於中外化而內息也

命謂太

極天地之中元之所藏者也陽窮上反下還息於中

故志不舍命

此以窮上反下言

淮南子曰從外入者無主於

中不止從中出者無應於外不行


原道文

陽之內萌而

外反亦猶是

上九姤其角吝无咎注虞翻曰乾為首位在首上故稱

角動而得正故无咎象曰姤其角上窮吝也



坤下兌上

萃亨王假有廟注鄭康成曰萃聚也坤為順兌為說互

有艮巽巽為木艮為闕木在闕上宮室之象也陸績

曰假大也案二五相應故亨王謂五羣陰順之積德

厚故大有廟大戴記曰有天下者事七世特手而食

者不得立宗廟所以別積厚者流澤光積薄者流澤

卑也

禮三本文荀子禮論注云持其手而食謂農功食力也

利見大人亨利貞

用大牲吉利有攸往注虞翻曰大人謂五三四失位

利之正變成離離為見故利見大人亨利貞聚以正

也坤為牛故曰大牲

案之正成既濟二用坤牛往應五所謂孚乃利用禴者

彖曰萃聚也順以說剛中而應故聚也注荀爽曰謂五

以剛居中羣陰順而從之故能聚眾也案天子之祭

也與天下樂之諸侯之祭也與境內樂之孝經曰昔

者周公郊祀后稷以配天宗祀文王於明堂以配上
帝是以四海之內各以其職來祭夫聖人之德又何
以加於孝乎此所謂致孝享也潛夫論曰否泰消息
陰陽不並觀其所聚而興衰之端可見也

本政文

聚以

正故利見大人也用大牲吉利有攸往順天命也觀
其所聚而天地萬物之情可見矣案二順五故順天
命呂覽曰賢者所聚天地不壞鬼神不害人事不謀

此五常之本事也

求人文

象曰澤上於地萃君子以除戎器戒不虞注荀爽曰澤

者卑下流潦歸之萬物生焉故謂之萃也鄭康成曰

除除去也

見釋文案蜀才云除去戎器修行文德也

案周語曰先王耀德

不觀兵夫兵戢而時動動則威觀則玩玩則不震是

故周文公之頌曰載戢干戈載櫜弓矢我求懿德肆

于時夏允王保之

倒說干戈包之以虎皮除戎器也井田之法兵寓於農戒不虞也說

苑指武云司馬法曰國雖大好戰必亡天下雖安忘戰必危易曰君子以除戎器戒不虞夫兵不可玩玩則無威兵不可廢廢則召寇

則無威兵不可廢廢則召寇

初六有孚不終乃亂乃萃注虞翻曰孚謂五也初四易

位五坎中故有孚坤為聚故乃亂乃萃失位不變則

相聚為亂故象曰其志亂也案不與四易位故不終失位故亂詩曰謀夫孔多是用不集如彼筮室于道

謀是用不潰于成乃亂乃萃有孚所以不終喻殷多

小人也若號一握為笑勿恤往无咎注虞翻曰巽為

號案號案艮為手初動成震震為笑若順也坤為順

初之四故若號初之四五互艮初體震故一握為笑

初上孚五孚可終矣一握為笑言易也孟子曰武丁

朝諸侯有天下猶運之掌列子曰天下可運於一握

湯問初四易位俱得正應故勿恤往无咎象曰乃亂

文

乃萃其志亂也案艮止震動忽動忽止故志亂

六二引吉无咎注虞翻曰應巽為繩艮為手故引吉得

正應五故无咎案引五引二也二得中未動之爻故

五引之使應已二不苟進五下求賢也孚乃利用禴

注馬融曰禴殷春祭名

見釋文案鄭虞皆以為夏祭名但文王作易猶是殷世不

當以周之祭名為說禴肅志云周公制禮乃改夏為禴鄭既以爻辭文王作則禴自是殷春祭名云夏者以周禮為說耳或字之誤也 案初四易位震為春三之正成既濟

故孚乃利用禴謂二動之爻應五也殷之臣民散而

不萃言君當有以引之使萃則能長保其位故五云

有位也上下皆有嘉德祭雖薄神必享之故孚乃利

用禴象曰引吉无咎中未變也案未變之爻故五引

之此與家人初九志未變義同未變喻殷之賢臣无二心可引之即孚者也若已變成爻則氣究將化

引之不孚矣

六三萃如嗟如无攸利往无咎小吝案三應在上兌口

故嗟謂三陰聚於下不應上故萃嗟也上所謂齋咨

也三失位故无所利往謂化之正之正應上得位故

无咎雖失位終化之正故小吝象曰往无咎上巽也

案上齋咨求應三之正故上巽順之

九四大吉无咎案大謂陽陽爻聚故大吉四失位嫌於

咎故明言无咎象曰位不當以其失位嫌於咎故既

言大吉而又言无咎也

澤上於地由下而上地有坎而後澤出焉澤聚於坎實亦

地中非地上故曰上於不曰澤在地上此四所以位不當而大吉者也澤上於地由地中生亦原泉也四

澤所從出故象曰大吉无咎位不當也注虞翻曰以

陽居陰故位不當

九五萃有位无咎匪孚元永貞悔亡注虞翻曰得位居

中故有位无咎案得衆故萃有位孟子曰得乎丘民

而爲天子匪非也謂失正者亦化之正孚五成既濟

也乾元得位不化故元永貞悔亡感應之效唯君最
速象曰萃有位志未光也案未動之爻

云元云位故
知未動之爻

爲陰所揜故未光須引賢以助理也

上六齋咨涕洟无咎注鄭康成曰齋咨嗟歎之辭也自

目曰涕自鼻曰洟

見釋文

虞翻曰三之四體離坎艮爲


鼻涕流鼻目故曰涕洟案上无應位兌口故齋咨此

亦既憂之咎不長者文蓋望紂自悔散可復萃也象

曰齋咨涕洟未安上也注虞翻曰乘剛遠應故未安

上也案成既濟則六爻安桀紂之失天下自以爲安

故也若涕洟自悔則不安者安矣



巽下坤上

升元亨用見大人勿恤南征吉注鄭康成曰升上也案釋

文云鄭作昇升假借字坤地巽木木生地中日長而上故謂之

升升進益之象也案地中生木春時也虞翻曰謂二

當之五為大人離為見坎為恤二之五得正故用見

大人勿恤有慶也離南方之卦二之五成離故南征

吉

象曰柔以時升案柔謂初

知者地中生木由下升上下體唯初柔巽一索得女之卦

升

以初陰爲主故知謂初初先之四象木之生戴孚甲也震爲反生陽先下行地中生木陰先上出義相因也虞云柔謂五升謂二似失之如虞說當云柔以剛升剛以時升不得云柔以時升也用見大人南征吉乃謂二之五耳 巽而順剛中而應是以大亨注荀爽曰謂二以剛居中而來應五故能大亨上居尊位也用見大人勿恤有慶也南征吉志行也注荀爽曰大人天子謂升居五羣陰有主无所復憂而有慶也案二升五上下應之故志行

象曰地中生木升君子以順德積小以高大注荀爽曰地謂坤木謂巽地中生木以微至著升之象也案荀

子曰積土成山風雨興焉積水成淵蛟龍生焉積善成德而神明自得聖心循焉故不積跬步無以至千里不積小流無以成江海

勸學文

初六允升大吉案允信也應在坤土性信謂信之而後升所謂時升也二升居五初之四得位承五故大吉象曰允升大吉上合志也案上謂五二升五初與之合志也

九二孚乃利用禴无咎案二應在五五互震爲春二之五得位故孚乃利用禴无咎苟有明信沼谿澗沚之

升

毛可薦於鬼神此喻紂能改悔孚其臣民則二升居
五猶是殷之天下也象曰九二之孚有喜也案之五
得正故有喜

九三升虛邑注荀爽曰坤稱邑也五虛无君利二上居

之故曰升虛邑无所疑也

案董子立元神云何謂本天地人萬物之本也天生

之地養之人成之天生之以孝悌地養之以衣食人成之以道樂三者相為手足合以成禮不可一無也無孝悌則亡其所以生無衣食則亡其所以養無禮樂則亡其所以成也三者皆亡則民如糜鹿各從其欲家自為俗交不能使子君不能使臣雖有城郭名曰虛邑象曰升虛邑无所疑

也注虞翻曰上得中故无所疑

案謂二之五

案虛邑可升

故无所疑孟子曰不信仁賢則國空虛此亦闕其无人者蓋喻紂不自悔則成虛邑有德者將來居之

六四王用亨于岐山吉无咎注鄭康成曰亨獻也見釋文

荀爽曰巽升坤上據三成艮巽為岐艮為山王謂五

也案此文王欲紂用其道也王謂殷王時殷播棄典

刑任用羣小雖欲自悔无所適從故言王用亨于岐

山欲其用文王之道以上格天心也并三所謂可用

汲者即此意也夫亡國之主其所以終至滅亡者不

能自改耳苟知悔悟忠言是從則其感激臣民較岷

起之君爲尤易崛起之君祇能得人歡心悔悟之誠
且能令人感泣民情不大可見乎先澤猶存人心易
挽使紂果能用文烏睹殷商之季不易爲中興之朝
乎此文之所切望於紂而孔子稱爲至德者也三分
有二以服事殷以服事殷卽欲殷有以撫之此文王
之憂慮所以獨深也不然周則磨之不去殷則招之
不來文豈不知而虛爲此服事哉子曰至德其所以
至者蓋有在矣云吉无咎者亦所謂復自道何其咎
吉者也四諸侯之位二升由四象曰王用亨于岐山

順事也。案坤為順，二升居五，用仁道以升聞於天，故順事行仁政而王尚莫之能禦，況天下本其所有乎？此喻紂能自悔，挽天人之心甚易也。後世有以哀痛之詔感發其臣民者矣。

六五貞吉升階。注：虞翻曰：二之五故貞吉，巽為高，坤為土，故升階也。

案此喻紂能用文則中興易如升階然


象曰：貞吉升階，大

得志也。注：荀爽曰：陰正居中為陽作階，使升居五已下降，二與陽相應，故吉而得志。

上六冥升，利于不息之貞。注：荀爽曰：坤性暗昧，今升在

升

上故曰冥升也陰用事爲消陽用事爲息陰王在上陽道不息陰之所利故曰利于不息之貞案上陰得位一體俱陰故利于不息之貞繼世以有天下天之所廢必若桀紂者也故益伊尹周公不有天下此喻紂稍能自改亦可暫安乃紂不用文旣自困且又困文而文之道終不行商之天下終莫挽文王徒心惻耳故受之以困井象曰冥升在上消不富也注荀爽曰陰升失實故消不富也



坎下
兌上

困亨貞大人吉无咎有言不信注鄭康成曰坎爲月互
體離離爲日兌爲暗昧日所入也今上揜日月之明
猶君子處亂代爲小人所不容故謂之困也君子雖
困居險能說是以通而无咎虞翻曰貞大人吉謂五
也在困无應宜靜则无咎故貞大人吉无咎案處困
之時不見信於人故有言不信

彖曰困剛揜也險以說困而不失其所亨其唯君子乎

注荀爽曰謂二五爲陰所揜也

案鄭據卦荀據畫義互備

案困者

德之辯孔子曰達於道之謂達窮於道之謂窮故內

省而不疚於道臨難而不失其德大寒既至霜雪既

降吾是以知松柏之茂也呂覽慎人文貞大人吉以剛中

也有言不信尚口乃窮也注荀爽曰謂五雖揜於陰

近无所據遠无所應體剛得中正居王位則吉无咎

也案兌口在上故尚口澤无水故窮處困之時非口

舌所既辯也

象曰澤无水困君子以致命遂志案水涸故无水襄二

十五

年左傳疏云兌為澤坎為水水在澤下則澤中无水也也案孔說似失之易例以下卦為中此以卦言當云

澤中有水如地中有水澤中有雷澤中有火之比不云澤中有水或水在澤中或澤下有水而云澤无水

者下坎三爻皆失位離伏於下有水之形无水致命之實中乾者也故曰澤无水非水在澤下之謂 致命謂至於命化之正也君子居易以俟命素位而行不願乎外故遂志此所以窮而通困而不失其所亨者者也子貢曰古之得道者窮亦樂達亦樂所樂非窮達也道得於此則窮達一也爲寒暑風雨之序矣呂覽

慎人
文

初六臀困于株木入于幽谷三歲不覿案坎爲臀株木根也株木謂伏離離爲科上槁初陰失位故困火涸水也荏苒柔木君子樹之困于株木所樹傷也温温

恭人如集于木惴惴小心如臨于谷斯无困辱之患
矣株木喻惡也坎為隱伏初最在下離伏不見故入
於幽谷離三爻故三歲火為水滅是以不覲也象曰
入于幽谷幽不明也注荀爽曰為陰所揜故不明也

案初陽
為陰揜

九二困于酒食朱紱方來注鄭康成曰文王將王天子

制用朱韞見士冠禮疏韞同紱斯于朱韞斯皇家室
君王箋云韞者天子純朱請侯黃朱疏云

芾從裳色祭時服纁裳故芾用朱赤但芾所以明尊
卑雖同色而有差降乾鑿度以為天子之朝朱芾諸

侯之朝赤芾是朱芾天子制也紱即韞祭服謂之紱
李鼎祚云上九降二乾為大赤朱紱之象也朱紱宗

廟之

服 **案**坎水兌水伏有離火酒食之象否坤為絛 坤

裳絛裳類否上之

二二之上成困 乾上來之二故方來二臣位也上

來之二象殷之否而天命歸周也 乾鑿度云絛者所以別尊卑彰有德

也九五文王為紂三公故言困于赤絛至於九二周將王故言朱絛方來 利用享祀征凶

无咎 **案**二雖失位在廟中全於子全於臣以尊居卑

故利用享祀征謂之五五已為陽不受二故征凶自

化之正故无咎象曰困于酒食中有慶也 **案**二雖失

位陽方來二二得朱絛當升五為君故中有慶

六三困于石據于蒺藜 注虞翻曰二變正三在艮山下

故困于石坎為蒺藜

李鼎祚云坎為叢棘為木多心蒺藜之象案釋草茨蒺藜郭云

布地蔓生細葉子有三角刺人

二變艮手據坎故據蒺藜案石堅喻

禮三失位故困于石不克濟也蒺藜喻所據非人也

襄二十五年左傳云困于石往不濟也據于蒺藜所恃傷也

詩曰瞻彼中林侯薪

侯蒸蒺藜之謂也

箋云中林大木之處而雜蒺藜耳喻朝廷宜有賢者而但聚小人

謀之其臧則具是違謀之不臧則具是依據蒺藜之

謂也所謂非所困而困非所據而據者蓋喻以殷也

入于其宮不見其妻凶注虞翻曰巽為入二動艮為

宮兌為妻謂上无應也三在陰下離象毀壞故不見

其妻凶也

案三在陰下疑當作三陰在下或陰為象
艮之說孟子曰不推恩無以保妻子

曰據于蒺藜乘剛也入于其宮不見其妻不祥也案
祥善也三失位不為天所祐故不祥所謂死期將至
者也

九四來徐徐困于金車吝有終注虞翻曰徐徐舒遲也

否乾為金坤為車易位得正故吝有終案來四欲初

來也象曰志在下初為坎曳不得即之四故徐徐困

于金車

或說四為請侯金車
金路謂四困金車也

象曰來徐徐志在下也

雖不當位有與也案初四陰陽應故有與言終易位

也

九五剝別困于赤紱注鄭康成曰剝別當為倪仇

見釋文案

釋文云荀作羈輿不安貌義與鄭同

案赤紱謂四互離為赤喻文有聖

德終守臣節天下歸之而志愈不安故剝別困于赤

紱為諸侯所困也

諸侯歸文王廉來惡之文王不得遂其臣服之志故剝別困于赤紱

象曰志未得臣服之志未得也若謂文不得為天子則三分有二得志不難正唯文欲終事殷而天下多

歸文是以不安耳

乃徐有說利用祭祀注虞翻曰兌為說案

坎為曳故徐二化應五故乃徐有說喻文王終以臣

節終也利用祭祀謂二不化象廟中祀神之象五尊

象神二象君在廟中故利用之義二五並稱象曰劓
別志未得也案朱紱方來天命歸周否上降二殷將
失國之象也文王以服事殷欲仍使二之五五化而
降居二以終臣節乃天下歸之陽得其位不能化之
陰殷之天下莫可挽故志未得若謂文未得爲天子
困在諸侯則五固天子之爻也乃徐有說以中直也
利用祭祀受福也案直其正也謂二陰由中發而應
五故以中直天命所歸不能終却非周有覬覦之心
也受福謂受五神福也

周易卷之二十一
三

上六困于葛藟于臲卼曰動悔有悔征吉注虞翻曰巽

為草莽稱葛藟謂三也

案陸璣草木疏藟一名巨苽似燕萁亦延蔓生葉艾白色

其子赤

乘陽故動悔變而失正故有悔案臲卼不安貌

葛藟喻歸附文王者

三據于蕞藟紂用羣小也上困于葛藟天下歸文王文王用也

類升葛與女蘿施于松上傳云喻諸公非自有尊託王之尊義與此同

曰詞也動而見

忌故動悔謂畫動之爻變則化故有悔化之陽也化


之陽可與三易位故征吉

文王見忌於紂特言曰者戒辭也孔子曰周之德其

可謂至德也已矣蓋於易見之易之興也當殷之末世周之盛德當文王與紂之事懼以終始者也象

曰困于葛藟未當也動悔有悔吉行也注虞翻曰謂

三未變應上故也案上本得位三未當故上困三分
有二以服事殷明諸侯當奉殷不當歸周也上已動
故吉行吉在行也此其文以服事殷困而反國之象
與



巽下
坎上

井改邑不改井注虞翻曰泰初之五也坤為邑乾初之

五折坤故改邑鄭康成曰井法也

見釋文案干寶云井德之地也所以

養民性命而清潔之主也自震化行至於五世改殷
紂比屋之亂而不易成湯昭假之法度也故曰改邑

不改
井案泰初之五故改邑初之五成井剛得位得中

不化故不改井

傳云改邑不改井乃以剛中也是剛來改邑得位不化故不改井皆謂五

虞云初爲善井四應養之故不改井與傳不合

无喪无得往來井井注荀爽

曰此本泰卦陽往居五得坎爲井陰來在下亦爲井故曰往來井井也案泰五不失位則初不得之五故无喪无得以喻殷不失其養人之道則周不得也无喪則无得所以往來者彼喪其井而此得其井也彼失其井井泥不食此得其井井冽寒泉食故曰往來井井言往來爲養民耳汔至亦未繙井注荀爽曰繙者所以出水通井道也虞翻曰巽繩爲繙案汔水涸

也喻殷德衰也初所謂井泥者也至既汔而水復至也喻文王服事殷也三所謂井渫也汔則无以養人至則可用汲以養人所謂可用汲王明並受其福者也紂能用文井養不致窮也乃汔固无以爲養至亦未繙以養文之道終以不行於紂象曰未有功九三所謂爲我心惻者也羸其瓶凶注虞翻曰羸鉤羅也艮爲手巽爲繙離爲瓶手繙折其中故羸其瓶體兌毀缺瓶缺漏故凶矣案此喻紂非特不用文且并棄其舊法也經解曰發號施令而民說謂之和上下相

親謂之仁民不求其所欲而得謂之信除去天地之
害謂之義義與信和與仁霸王之器也有治民之意
而無其器則不成有意无器尙不成况羸其瓶乎彖
曰是以凶也

彖曰巽乎水而上水井井養而不窮也注荀爽曰巽乎

水謂陰下爲巽也而上水謂陽上爲坎也木入水出

井之象也虞翻曰兌口飲水坎爲通鄭康成曰井以

汲人

案當作井以養人

水无空竭猶君子以政教養天下惠

澤无窮也改邑不改井乃以剛中也汔至亦未繙井

未有功也羸其瓶是以凶也

象曰木上有水井君子以勞民勸相案井養不窮養之
所以勞勸之也坎爲勞卦勞者勞之

初六井泥不食舊井无禽注干寶曰在井之下體本土

爻故曰泥也井而爲泥則不可食故曰不食此託紂
之穢政不可以養民也舊井謂殷之未喪師也亦皆

无水禽之穢又況泥土乎故曰舊井无禽矣案泰坤

之井下爲水所溼故稱泥舊井謂泰乾泰初得位今

已易位故曰舊井井泥固不食无禽則非泥矣言可

食也喻殷之舊章也泰五之初成巽爲魚互離爲籠

巽初未之五未有離巽故舊井无禽魯語登川禽注

云川禽鼈蜃之屬張衡東京賦云內阜川禽外豐葭
菼庖人禽獻有鱗鱉之類是鱗介亦得稱禽明爲人
所禽制也教成之祭牲用魚是魚亦可謂之牲或說
无禽謂无祀之者故象曰時舍白虎通五祀云祭五
祀天子諸侯以牛卿大夫以羊一說井以豕或曰井以魚象曰井泥不食下也舊
井无禽時舍也案既非舊井則非其時故舍舍止也
泰初之五初下仍有伏陽殷不用之則爲舊井周來
修之猶爲新井也四所謂井發者也豈舊井之不可
食與

九二井谷射鮒甕敝漏注虞翻曰巽爲鮒小鮮也離爲
甕甕瓶段缺羸其瓶凶故甕敝漏也案離矢坎弓二

應在五故射鮒

呂覽知度云射魚指天而欲發之當也淮南時則云天子親往射魚說苑

正諫云魚固人所射也蓋古有射魚之法

詩曰魚躍于淵喻民樂也井谷

射鮒苛其民矣

太玄法次七密網離於淵不利於鱗測日密網離淵苛法張也義本此

泉出通川為谷本以養魚乃反射之言虐甚也虐其

民甚則民困潰故囊敝漏荀子曰王者富民霸者富

士僅存之國富大夫亡國富筐篚實府庫筐篚已富

府庫已實而百姓貧夫是之謂上溢而下漏入不可

以守出不可以戰則傾覆滅亡可立而待也

王制象文

曰井谷射鮒无與也案失位无應自賊其民故无與

九三井渫不食為我心惻注鄭康成曰謂已浚渫也猶

臣修正其身以事君見文選注荀爽曰渫去穢濁清絜之

意也三者得正故曰井渫不得據陰喻不得用故曰

不食道既不行故我心惻案此喻紂不用文王也不

也心惻可用汲王明竝受其福注荀爽曰謂五可用汲

三則王道明天下竝受其福京房曰言我道可汲而

用也見史記集解案王謂泰五泰五失位欲其之正成離

坎用文王之道以養天下也象曰求王明則王本不

謂泰五若井五已體坎離乃改邑之王也泰五失位故初得而改之若泰五自正天下猶是殷有也離得

而改之井之一卦爲殷家著所以必至改邑之故下
卦多危辭傳曰求王明文王求殷王也孟子所謂予
日望之之義也史記屈原傳云人君無愚知賢不肖
莫不欲求忠以自爲舉賢以自佐然亡國破家相隨
屬而聖君治國累世而不見者其所謂忠者不忠而
其所謂賢者不賢也易曰井渫不食爲我心愧可以
汲王明並受其福王之不明豈足福哉潛夫論釋難
云君子夙夜箴規蹇蹇非懈者憂君之危亡哀民之
亂離也故君子推其仁義之心愛君猶父母愛民猶
子弟父母將臨顛隕之患子弟將有陷溺之禍豈能
默乎哉易曰王明並受其福是以次室倚立而嘆嘯
楚女揭幡而激王忠愛之情固能已乎其義並以此
經爲望之之象 象曰井渫不食行惻也求王明受福
皆本傳義也

也 案文欲行道以救商政之失道不行故心惻泰五

之正則二化成既濟天下受其福故求之

六四井甃无咎

案惠氏棟云初舊井

无禽變之正與四應四來修初故无咎也

案喻殷棄其舊井而周修之也

象曰井甃无咎修井也

注虞翻曰修治也

九五井冽寒泉食

案冽水清也坎為寒泉井已至五水

出在上故食喻養民有道也象曰寒泉之食中正也

案五得中居正

上六井收勿幕有孚元吉

注虞翻曰幕蓋也收謂以轆

轆繙收也

案元乾元謂五有孚元吉謂成既濟乾元不言

於五言於上者以見六爻皆正在上大

成也惠氏棟云既濟之功至上而成

象曰元吉在

上大成也。注：虞翻曰：謂初二已變成，既濟定，故大成也。干寶曰：井以養生，政以養德，无覆水泉而不惠，民无蘊典禮而不興教，故曰井收网幕。案：勿干作网義同。网幕則教信於民，民服教則大化成也。

周易姚氏學卷第十一終